

PL  
2705  
.J259  
v.2





JUN 1 / 2001

EAST ASIAN STUDIES

知白齋詩鈔卷三

婺源 江人鏡 蓉舫

論詩



務詩如務名得失終一悔用意勿求全好者留以待人  
然我亦然唯期有我在

詩以作而傳不以傳而作因時寫吾情何事費繩削除  
卻三百篇大半束高閣

南山雲

乘風不肯閒片片度秦關料爾爲霖去終知返故山



乘風不肯聞中中與秦關殊爾爲霖去絲映双姑山


南山雲

俗三百篇大半束高閣

詩以非面書不以書面非因執寫吾詩何事費辭隨創  
然非亦然非與非非非

發詩收發各得其絲一動其意於來全我舊留以詩人

歸詩



發詩 邱人難 答詩

吟白齋詩燈卷三



青文綺霞顏  
寒素嫩  
藥金莖  
薄黃  
三呈  
精雲

同屋  
錫  
義山  
麝香曲  
尖  
鷲秋  
誰  
撼窗  
前竹  
簾  
幙  
遲  
開  
障

門  
觀  
大  
匠  
東  
干  
嶺  
三  
淥  
斷  
天  
其  
主  
盤  
士  
逐  
以  
家  
西  
苑  
相

映  
紅  
羅  
帳  
風  
輕  
好  
時  
節  
瓊  
漿  
滌  
盡  
心  
頭  
熱  
錦  
段  
如  
今  
秘

西  
對  
是  
去  
書  
想  
不  
曾  
彈  
奏  
望  
贈  
但  
恨  
餅  
師  
香  
消  
息  
返  
生  
無  
靈  
淚

風  
和  
正  
步  
寒  
雲  
絲  
史  
雲  
臨  
下  
美  
出  
幽  
鄆  
辦  
盡  
秋  
鄆  
苗  
鑒  
土  
人  
因  
送  
宜  
表

王宮題

長  
河  
面  
王  
鍾  
烈  
壯  
白  
干  
疑  
計  
景  
水  
辭  
迴  
中  
無  
半  
黑  
壘

豐碑目



鹽池月

長河涌玉輪照地白于銀信是水精域中無半點塵

王官瀑

風吹五老寒雪練曳雲端不復出幽澗

土人因遊宦凌轅盡將澗齒鑿

去舊勝不可復尋曾經表聖觀

解州風

叫嘯大河東千崖一氣通天其生猛士移以定西戎

擬義山燒香曲

青女飾霜顧兔寒素娥謝藥金莖乾背觴三足欹雲端



欲語不語含悲酸十年未訪城南菊塔射

山房名

應閒數

間屋旅夢飛縈燕樹尖驚秋誰撼窗前竹簾幙遲開障  
疾風薰添檀屑出堂東銀光清襯銀鉤字蠟炬雁燈相  
映紅爐筵頻經好時節瓊漿滌盡心頭熱錦段如今秘  
在懷瘦沈情虛甘嚼舌但恨餅師杳消息返生無靈淚  
沾臆

雁來紅

小圃兩三叢蕭蕭耐晚風此間無雁過時至亦能紅

秋蜂



窺硯無功柰若何癡心狂態兩銷磨金風漸緊朝衙少  
粉紙重鑽業障多蜜似蔗甜饒累爾毒同薑螫謗由他  
花枝仰臥春前事獨羨王居安樂窩

秋蝶

太常仙侶聞無靈桂嶺空餘樹葉青但怪鶯兒猶絮聒  
自憐鳳子亦飄零滕王在昔心相許莊叟於今夢已醒  
覓得西園且休歇不隨秋色上銀屏

洗眼

采葉懸簷趁立冬

歲時記立冬日清晨采  
桑葉懸簷風乾治目疾

雙眸勿任俗



塵封晶鹽椀泛金精活

玉函方九月上寅日采菊名金精

珠露囊分柏

葉濃

述征記八月一日作五明囊取百草頭露洗眼眼明赤松子以柏露洗眼

頓覺芬香通

鼻觀更無愁態上眉峯大光明界除煩惱青白紛紛笑

嗣宗

伐毛洗髓歎何能叩齒剛逢朝日昇望遠漸銷三里霧  
當前如翦九枝鐙胸中坦白完真我肘後傳丹得上乘  
不必光分雲水裏也教清照玉壺冰

秋陰

竹院深深謝俗氛捲簾暫歇海南薰酒嫌獨酌邀孤影



愁比三春劇幾分愛護殘花當未雨欺凌滯雁不關雲  
明知已近黃昏候猶盼山頭放夕曛

遇安園雜詠

條峯涑水劃西東舊址重開過百弓近日園丁疎懶甚  
天風吹活桂花叢

綠槐飽雨子初肥朝氣催人試袷衣欲上階頭卻回顧  
小蜻蜓掠髻邊飛

未攜燕瑟與秦箏到耳憑誰解宿醒快抵東山絲竹勝  
繞牆無數賣花聲



南上平臺眼界寬  
回頭北望是長安  
青天自少浮雲蔽  
捧出當年白玉盤

鑿池引水種菰蒲  
榆柳前頭一綠鋪  
竟似泊舟蘆葦裏  
始知平地足江湖

不善彈琴不善碁  
不如人處俗難醫  
昨朝栽得數竿竹  
以後心虛就我師

籬豆花開雪白花  
花梢結豆豆交加  
風前露下歛相見  
疑是仙人萼綠華

三面欄杆一面亭  
看山不必要山青  
老來心性防枯寂

多取丹楓入畫屏

旁人莫謂目窺園退食時猶愧素飡種樹成行行不亂  
也將心法教兒孫

一家終歲獲安閒翻笑求仙去不還

茲園成於升竹珊觀察竹珊擢任滇

藩已五年矣

他日南歸營半畝故鄉元有好溪山

行行且遊獵篇

重行行三軍出塞行有聲勳階艷耀進都尉昔日微賤  
今日貴皮冠倒挂雙尾貂孔雀貼翠迴風飄馬前衝過  
白額虎彎弓欲射弓不調虎逐他獸向西去歸報虎創



無證據殺羊磔豕椎肥牛嗾犬呼鷹狐兔愁部牒記功  
蒙上賞入關坐索并州饒前鋒自有苦戰人十年飽歷  
天山春至今猶未見平津

手爐

兩袖任風欺手皴還捉塵憑將芸屑添作雲忘作雨

足爐

熱時爾無能寒至客相狎有翼伏不飛抵死呼鴨鴨

地爐

夜坐且莫愁禦寒欣有具曾於灰燼中撥過懶殘芋

行爐

照妝銀燭銷會食香篆絕惻惻舊堂前爾來人卽熱

歲暮自嘲

撲帽雪飄蕭凌雲意氣銷眼昏常借鏡骨瘦合辭貂詩  
未滿千首酒空糜一瓢送窮無可送靜覲孔方驕

長歌行

我無崔烈錢不能揚燄薰青天我無哥舒刀不能逐賊  
出臨洮不富富人鄙不武武人恥當時誤識毛錐子髮  
燥未久禿如此世間自少百年人縱活百年嗟老矣老



矣治牢盆污瑣何足言文禽寄叢棘快馬嘶短轅北方  
有虎橫臥當戶磨牙易防笑面難侮西方有蛇噓霧噴  
沙芳餌易竭濁欲彌奢吁嗟乎西北皆不堪置吾家東  
南渺渺又被浮雲遮廿載困奔走俯畜踰十口求歸不  
得歸問田無一畝日落怕上禹王臺舊年秋風今又來  
與其憂傷憔悴自淪於死灰何如舊書披一卷新酒澆  
百杯醉鄉寬大廣招客書田傍有金張宅子若孫兮適  
所適卽此亦足以自豪崔烈錢與哥舒刀奚啻風前之  
野馬雲外之鴻毛

深秋

深秋無事不驚心  
卷地風沙白晝陰  
昨夜星辰東復北  
儻來富貴後猶今  
鷄鵠得氣非甘味  
蟋蟀傷時亦苦吟  
閉戶焚香點周易  
此中何止判升沈

仙李翻爲無口匏  
頻修薦牘達螭坳  
舊家子弟成紈袴  
新樣衣冠出斗筭  
海上潮來魚化虎  
春前雷動雉生蛟  
獨憐大府梁間燕  
猶對秋風葺故巢

先輩親題治事齋  
半留歌管半金釵  
移文積似書連屋  
赴選多將錢繫鞵  
官膳三餐巨君鰈  
衙參一怒子陽蛙



不知冰炭因何置天上參商自古乖

人海曾拏大願船被誰推我墮迷川驪珠已失空鱗爪  
雞肋何堪飽毒拳但得田耕雲夢地不妨石補女媧天  
西山紅葉香山月夢隔金鰲十一年

伏波牀下拜梁松客至原無芥蒂胸私議紛如真蟻鬩  
此身健在豈龍鍾幸因婦死撾翁誤尙有門高待子封  
事到回腸輒回首臨文還藉語從容

吳南楚北幾縱橫天許登壇副大名自可精心謀一戰  
豈徒高爵亞諸兄兩階干羽方修德六月戎車竟出征

更喜通侯是猶子傳家無愧李西平

十年不出意如何才力應從政事科漫說東山愛絲竹  
卻同西塞傲煙波屏詩障畫齊鴻寶史篋經羸借馬馱  
勸種春桑千萬樹晉桑要比越桑多

階前未許白揚眉枉向風塵識子儀情盡每於將去日  
愁多恰在已涼時早聞壯士歌三箭忽舉枯枰校兩棊  
爲是爲非渾莫問待拈競病獻新詩

帽

中書得禿名偶負方山約倔强過參軍有風吹不落



袍

青草已知寒故人音信絕本無奪錦才緣待後生結

枕

鴻寶祈不靈入竅滋吾累倘令夢華胥卻亦可人意

履

儒風世所譏辛苦共行役入閣皆老臣誰薦春申客

燈

兒時與我親老來增我慮夜夜有花開可惜秋將去

爐

冷銅黯不華四角頑如故香消已十年猶覓早朝句

鏡

相字看未成髮雪滿肩壓但能伴故吾何必問勲業

劍

十年今又二此劍何曾試爲有未報恩莫管他人事

贈張山人

金鑑解州秀才學農務醫不求仕進守蒲時見之別及十年忽來此一宿而去

平生蹤跡風轉蓬友朋聚散簫過風別州分屬地不同  
況復一官走西東昔年臥病蒲城中老鶴笑我真麤氈  
雷激兩耳聲隆隆三寸舌裹甲十重徹宵不許眼朦朧



手足肩背腰腹胸強上聲如太山乾土封山人與我山鞠

藟參苓洩勃俱無功峯水一洗藥爐紅中條秋深羣木

空出門送客消病容長房便擬隨壺公并州捧檄歲方

終長途雨雪短僕從

壬申十二月奉檄調太原守

征衣何曾密密縫

精氣外溢神內充太歲在丑旱熅熅秋禾春麥生蜚蝻

八十七邑環訴窮號略解梁當其衝野輟耕耘市輟春

富失貿販貧失傭升米須值百青銅槁骸餓骨任橫縱

高阡廣陌草蒙茸村居門巷多虎蹤百萬丁口化爲蟲

慘于趙卒撓秦鋒

朝廷累詔蠲正供而我蒞事慚夢夢南行復策五花驄  
按部所覩皆疲癯騎竹馬非舊兒童千家破竈埋頽墉  
杜鵑夜哭禹王宮傷心奚止鳥驚弓十日不雨懼妨農  
蹢躅而來老禿翁泣道鄰里招災凶面目已改姓名通  
稱聾似有聾者聾憂煩損身爾毋庸天意彼嗇此則豐  
世態前倨後則恭簞瓢豈遂輸鼎鐘冠帶拘束猶樊籠  
久宦徒荒三徑松養生最好是疎慵少陵入蜀詩益工  
子瞻度海才愈雄論古堪以豁幽悰春花冶冶月溶溶  
十年不見今夕逢好酒直可飲千鍾不須更覓天門冬



郊行入寺小憩

風急炊煙亂雲歸秋樹昏那堪煙樹外只賸一家村  
入門僧未歸坐借蒲團軟撼撼疑有人階前橫一犬

六月初八日西院督童子試

山雲避雷奔入樓雷聲多在樓上頭

是日雷電大雨平地水深尺餘平

地足水思拏舟兩廊燒燭紅閃電九十五人夜酣戰莫

吼蒲牢促曉箭

道署更鼓遲早向聽東樓鐘聲

拋擲舊業踰十年人磨

墨磨各有緣舉頭唯望團團天

遠別離

高度碧山岑應過楓樹林計程雖一日非夢不能尋

秋齋兀坐歸思甚濃因憶都門舊遊寄安徽學使

孫萊山閣學

毓汶

五十韻兼敘典郡以來通塞

之意

濟世非無志逢時要有才愁添雙鬢雪冷透一心灰性

僻原耽隱交歡詎託媒門闌常寂靜咫尺轉疑猜且舉

京華說曾將禁從陪簪裾聯許史

謂許星叔大理史潔堂太守

筆札

給鄒枚薇省嚴甄拔樞庭尙典裁引之居近職藉以庀

良材文訝傾箱出詩緣擊鉢催坦懷安國孔

謂先師孫文定公



卑禮晉公裴

謂黃縣虞山兩相國

暇日攜佳侶清風接上台

謂曹琢如

尙書宣南分屋住

謂溫琴舫刑部及其弟味秋觀察

古北借車回

借朱修伯大理

車馬由灤陽回京

置榻延仙李

謂李筱軒太守

升堂結老萊亭幽容竹

活萊山及潘伯寅尙書常邀飲於江亭並令僧人廣種竹木

寺遠忽花開

時與萊山宋雪帆侍

郎會飲於天甯寺

妙解兼黃絹餘寒其綠醅笙歌徵舊部

以上皆同

萊山與龔幼安觀察畢星樓

松桂覓新栽

都門安徽會館余董其役

侍御張霽亭侍郎作消寒會

而成並手種

恐受聲名累羣誇宇量恢

同鄉何地山少司空鮑華潭中

松柏甘餘株

丞黃孝侯少司寇

染衣牽苑柳坐席接廳槐

已蒙記名內用並

極誇館宇之宏敞

保歸

今事資談柄公言伏禍胎

為湘鄉合肥兩私國事得罪於當路

客方

郎中

金谷飲人已玉山推頓入迷荒霧重驚破柱雷停驂瞻

鳳闕失馬謝烏臺

已蒙記名御史

險坂連畿右崇城峙水隈

相從多俊彥

謂劉星白大令曹刿徵學博

于役亦虺蜺碧看牙幢好

紅持手板纔治蒲希曩哲紆策保嬰孩

蒲俗生女多棄於野張示禁之

並上防河及恤民四策

形勢何由固根基敢弗培

時沿河屯有水師

華臨

峯聳峭河聽浪喧亟敷教源追舜

蒲州為古虞阪地有河東敬敷書院敦

農俗自邵

稷山縣相傳為邵地

泮芹香藹藹隴麥潤皚皚邪說祛

三耳鄉情繫四腮

守蒲二年歲逢大稔膠庠中人才蔚起士習亦極端謹尋乞歸未遂超

遷恩莫補雄緊考兼該

調守太原連得上考擢河東道署臬篆

官愧神明



號愚爲智士哈夜行防犬吠晨起響鴻哀

時署藩篆辦理賑務及籌

剿朔州教匪

畫餅同求糴吹醕僅恤災九閭矜乞禱

戊寅春間頻得

雨澤雨嶺度崔嵬

己卯四月回河東任

勿問扶搖路如經濫瀕堆蕭

蕭墟落景僕僕驛程埃

大稜後沿途蕭索不堪

東道難通好南薰

不阜財

大池出鹽甚少而河東鹽務又爲淮私侵占

汲深嫌綆短批卻慮鋒

摧珠返偏留櫝瓶空又責疊豈甘身作繭頻苦舌生苔

屢患肺熱肝逆

慎獨羞朋黨辭功避罪魁宿僚朝露溘

謂王靜菴運使

幻境夕陽頽脫穎誰偕遂

曾與靜公同膺大府密保

齋金未及隗修

途真已矣旅思固悠哉感昔增悲喟吟秋切溯洄似眠

期得夢欲醉倦銜杯麾此小中大幡然歸去來煩君權  
地主語去聲我故園梅

出城聞鶯

一宵暗雨一朝晴誰道秋風盡薄情有杯酒時難覓友  
無園林處亦聞鶯虛名誤我爲前輩餘熱驕人似後生  
馬上卻勝平聲籃輦裏回頭猶得見山城

度嶺

九十里爲一日程雙輪珞珞鐵錚錚不期山石頑如此  
鍊過十年猶未平

嶺石屢見煨鑿  
旋即險惡如初



嶺羸

北風作惡又吹沙不辨前頭路幾又當日誤隨千里馬  
被人識得駕鹽車

嶺驢

不受馳驅不受耕年年跨谷復騰阬往來亦有騎驢者  
嶺上何如湖上行

國士橋

在趙城縣南

接疊山程馬不驕澗泉漈漈雨蕭蕭久聞趙邑歸無恤  
國士何心勝此橋

題山陰馬寬夫先生遺墨

馬梅卿明府

家鼎

余同年友春暘太史

傳煦

姪

也乙亥余守太原梅卿出其尊人寬夫先生遺墨屬綴以辭簿書填委操管未遑洎之任河東此冊收入行篋閱六年之久始以二百字爲誌自慚見道未深微言又不堪表述故出以遲遲非敢後也辛巳重陽前四日遣力寄呈梅卿以補前失

大道本無方賢愚乃異致昏生而悶死畢世愚爲累邈



矣古賢人其來皆有自曾子起易簣堯夫甘晝睡倘有  
矯飾心至此安可僞扶風多人師先生豈其次束髮抗  
前哲不浼浮雲志從仕古梁園不問肥家事本其澹泊  
懷出作循良吏吾儕苟如是是爲道所寄朝露何易晞  
身意嗟未遂淼淼大河流無限州民淚

先生歿於禹州

傳世與

傳家僅遺廿三字始知道積身身外無賸義曩綰并州  
符元方不我棄惟涵舊德深故具璠璣器斗室爇幽香  
對之益嘯噦爲乏見道言難將長者記雙丸迅不停此  
冊披再四重追子山銘才盡滋吾愧

青青

青青皆說出於藍染得絲成不問蠶心許何人是佳士  
耳聞自昔亦空談黃花蓄意會重九白首同盟懷兩三  
西北十年殊索莫舊遊其或在江南

立冬日

燈影爐香兩杳然尖風已到小齋前得來涼爽纔三月  
不信須臾有二天黯黯煙痕回畫本微微酒意上吟肩  
一官蕭索無他望望雪心情勝去年

以事至野狐泉謁呂祖閣禮成望遠寄省門舊遊



未脫朝緋著故衫忽逢異境隔塵凡穿池活水真通惠

鹽道署前大樓勝名通惠

滿座清風不聽讒熱暖香籠雙短袖斷靈

藥託一長鑱危亭勢欲飛簷壓惡竹根同亂草茭碑字

模糊苔篆合鐘聲悠漾鼓音攙山圍重堞疑張幕雲涌

遙空似挂帆無數烏鴉爭稻壠有情蒼翠下松巖天時

遇冷方思熱世味從酸又問鹹井里蕭條增已過昕宵

舉動懷神監澗毛莫解羈鴻苦杌肉難酬餓虎饒

近爲怨家

所糾

此局求贏來小劫將詩補寄證前函

寄友人書未答

歸途何

必愁昏黑西面三峯夕照銜

家曉帆大令

際清

入省需次持劉省三軍門書來

並贈詩四章依韻奉答

十年潦倒爲虛名，深悔應官術未精。  
眼看條山經雨淨，連日大雨心如河水入。  
秋平故鄉南去四千里，劇地西連卅六城。  
默數往來無伯樂，負轅非獨馬貪程。

昨得劉公一紙來，雲帆新自海門回。  
歲時寥落離人意，

不見省三已

山水銷磨大將才，謀事但憑公論定。

省三以俄

事應召入京

逢君便欲短書裁，遙知餞別秋江上。  
故里梅花

尙未開



家乘輝騰翰墨林直從秦漢到而今治經無愧浮邱博  
勵節同觀止水深不藉新詩陳祖德好將遠宦練人心  
清晨開徑來三益況又摩挲宓子琴

雲山迢遞接邊牆行過遺墟弔夏商解榻自慚非仲舉

停鞭有待或袁昂

欲爲曉帆  
覓伴入省

月窺野店雞聲早霜下晴

空雁路長皓首爲期須努力吾宗從此竊餘光

### 冬夜書感

服官三十年中路被疎遠雖乏封侯姿請纓乃所願西  
南積腥臊天怒人亦怨長劍不赴仇熱酒翻生恨練兵

以自強歲費千百萬堆金購空城沃土無一寸潮來鐵  
鎖沈風靜高牙建中興固多賢側耳聽輿論

疊前韻送家曉帆入省

三代而還人好名難於精處益求精饒他設險心常坦  
除卻論文氣要平欲借清風祛俗障還憑定力破愁城  
當官直作書生看晨誦宵吟有課程

君今又向宦途來如遇卬嶧莫放回富貴功名元有命  
經常權變總須才愛民必待親身試校士先將僞體裁  
果使精神無泛用座前能喝石屏開



天教茂樹作寒林就此炎涼識古今菊酒過時嫌味薄  
桃潭何處擬情深莫忘鐵硯十年事爲問冰壺一片心  
珍重修桐休自獻縱然焦尾亦良琴

往時名字記題牆若見同官好共商白雪有歌堪接續

青山無價任低昂扁舟晚水來何晚正馬蜉城

敝邑以朱子宅

中虹井得名

道且長我已凋顏君正壯漫將歸思誤年光

### 醉後短歌

夜沈沈酒深深闌干之曲窗之陰一爐火活茶鼎沸鼎  
中卻有不平氣以茶救酒酒不狂以酒壓茶茶不香茶

酒於此爭甲乙虛者容之滿者溢主人袒酒亦袒茶推  
窗笑問老梅花老梅生性太迂拙偏向殘年戰霜雪

曉帆以詩留別次韻奉酬

來鴻去燕渺程期異地風煙觸客思懷古心情淩庾鮑  
避人蹤跡溷巢夷驪珠豈遂輸魚目羊質何堪假豹姿  
雖是致身中隱士頻年文愧北山移

九峯峯下讀書堂

九峯疊嶂爲余  
里十景之一

旅夢縈回未忍忘校

字曾登天祿閣誓言終負石淙莊徒工詩句驚元白漸  
喜賓朋結老蒼柱史傳經多恍惚服膺一語爲和光



是好男兒擔百憂幾人未死肯歸休功成弗賞防烏喙  
年老無聞羨黑頭孰向水中頻怒鱉如遊海上定盟鷗  
近來得失君知否只管文章不管愁

並坐胡牀各問年少時高臥翠微巔自從進納都堂卷  
不覺拋荒負郭田飽歷風霜經歲莫恥隨桃李鬪春妍  
嗟余久侍蓬萊殿祿俸虛糜未薦賢

欲控飛鸞上玉京乞來丹訣傲方平目迷紫霧纔三島

角咽黃雲又一城

唐人有黃雲畫角見并州之句余由蒲州調守太原二年

幸與劉

蕡同下第

君亦艱於一第來詩有五次入京之語

未聞許劭有真評長安

歲歲花爭發  
羶毬春風了此生

往事淒涼未足論  
書香還可付兒孫  
苑康早識高陽里

余宗亦出自高陽

惟吉終興薛氏門  
縱或歸家施誚讓  
亦教見

客話寒溫山前橋  
梓森森立長養都無斧鑿痕

來詩有一子不

才之語故以此解之

先生且莫怨形單  
滿引松醪卻夜寒

前饋酒食尚蒙齒謝

萬里知

名爭贈獻九重問  
字得奇難家無儋石偏尋樂地有林

泉亦改觀賈虎荀  
龍皆弟子老羆雄視更桓桓

來詩有及門中

多中式兼入

詞林者之語



半山晴帶半山陰雲意模糊雪意深

連日濃陰恐有雨雪

晝短談

長犀塵續客多書少鯉魚沈

久未接省門諸友來信

大隄衰柳情

無奈小驛疎梅冷與禁爲語并門賢太守

擬爲曉帆致左楚瑛太守

一書相知不改歲寒心

### 送嵯籍秀才入學

庠序今同學魚鹽昔舉賢借才如土著席業必家傳

各商

置有鹽畦其子弟方准應試

院柏凌霜勁山梅映雪妍一番花樣好

六藝草真全禮備先生壽

諸生入學先修教官贊禮

名增弟子員

嵯籍

額定十名因捐輸加廣十人

莎平教馬試風正效鶯遷

諸生先詣道署報名宴畢

乘馬至學

門前排班

果酒東西

共四席

拜下瞻重殿居中詠肆筵

謁

聖後至明倫堂行禮教官待以

儒修毋畫地聖道且希天細壤容於岱分支

納以川農惟禾去莠匠則木攻堅植已當從彼芸人盍

舍旃況開連歲榜時覓孝廉船月窟勤操斧雲程穩著

鞭雖非榮赤紱亦勿困青氈煮水辭汚俗調羹佐化權

小登科可喜大得志皆然各養詩書氣無虛香火緣

諸生

執弟子禮詣謝

竹符仍荷寵

已三次送學

華髮只增憐獲雋三冬日

曾經四十年羨他歸去後歡動寢門前

余於道光壬寅年十一月入學

幼失怙恃其時

惟增悲感而已



和曉帆客館四絕句元韻

荒城旅店客來難  
稅駕權將短榻安  
昨夜山頭微有雪  
今朝又長一分寒

屏除豪氣老猶難  
歎息流離意未安  
自笑樓臺無地起  
欲開廣廈庇人寒

對酒休歌蜀道難  
而今難上是長安  
回思十二年前事  
紫陌鳴珂踏曉寒

此身進易退偏難  
高臥東山憶謝安  
世有佳人在空谷  
好憑翠袖耐天寒

知不足齋詩集卷三  
曉帆疊前韻見贈次韻再答

釣水樵山或有期眼前生活要尋思不嫌鶴骨徒清瘦  
將厯羊腸亦坦夷耳食誤招朋黨患心交喜得老成姿  
太行遮斷西來路只怪愚公未盡移

文壇結陣本堂堂家訓師承兩不忘司馬檄能論巴蜀  
令狐書未讀蒙莊幾人春宴櫻桃紫有客秋吟桂樹蒼  
高閣草元甘寂寞暗中休吐筆端光

水旱都貽參政憂橫流江海幾時休難偕王烈求青髓  
空與馮唐感白頭株累猶多聊待兔機心未化漫從鷗



拊膺不爲樽前事別有天涯一段愁

來詩有世事茫茫繫我憂之語

臥病維摩又一年閉門不訪白雲巔

年來多病衰憊不堪

飲思西

浙沙中水歸乞東坡汶上田飄梗半因風作惡種梅三

與雪爭妍

回任又及三年

獨醒敢謂人皆醉清酒何如濁酒賢

羨君得力在都京豪氣能欺禰正平篆竹奇文搽夏鼎

飛花妙句和春城曾窺慘綠知真貴誰逞雌黃失定評

金榜無名人不識江東羅隱歎虛生

千古賢奸莫共論翹林接士有公孫

謂曩時所遇

錢龍欲塞

通侯第金馬虛題待詔門念切茅簷同獻曝望穿黍谷

未回溫涼臺燠館今塵土一任香泥沒爪痕

習兵多智效田單

謂省三諸君子

未解猜疑爲衣寒南徼餘氛

消去易西陲成局挽回難不才已作溝中斷此事何殊  
壁上觀兩皖素稱文物地有人執玉比信桓

寒葉蕭蕭減午陰衙齋不及故山深膽瓶透冷催冰合  
角牒添香夾水沈日逐簿書煩莫遣霜盈鬢髮老何禁  
綠波碧草尤傷別留取明年證此心

和曉帆客中誌感六首元韻

茫茫東去大河流瀉盡崑崙萬古秋世外何曾知魏晉



塵中誰復識公侯山光對我分三面風色宜人沒兩頭

莫以精思教病發

連日爲風寒所苦

置身高處豁吟眸

望空懷遠幾低徊物理紛紜且漫猜芳草有情窺翠箔  
落花無主委青苔秋來梧井蛩先咽春入榆關雁自回  
歲月崢嶸頭上過又開冬甕試香醅

已知和寡曲彌高況有新篇續擬陶蟲刻不爲因左癖  
驪珠先得是詩豪筆端濃蘸三霄露眼底涼生八月濤  
少小曾聞元幹志長風萬里快相遭

巧語度詞易亂真解圍終待愛才人據鞍馬援年猶壯

知日秀言金卷三  
三  
三  
仗劍陳平宦爲貧觸目但驚杯裏影信心容拾甌中塵  
瘦軀長脰今難進老鶴飛來認化身

長庚帶月向西橫人定方知夜氣清羈旅能詩居亦易  
關山入夢路皆平心如櫪馬思千里意欲蓴鱸過一生  
柳葉射時須善息漆園老吏合移情

紅軒朱板五陵奢付子傳孫問幾家馬暢第中先饋杏  
羊曇醉後不看花登場傀儡渾如戲照座璠璣總有瑕  
恐與他年增口實毫釐未許寸心差

歸意



人事有千變古今同一天胡爲人所欲不爲天所憐思  
以富黎庶家無二頃田思以貴材俊手無尺寸權豈無  
富與貴於我何與焉誓叫天門開稽首虛皇前雲師敦  
夙契導路來西邊有霧黑於漆冰雹大於拳蒼龍置不  
聞龜鼈橫索錢螭蛇鼓其舌白虎流其涎兩狗挾一狼  
攫人充肥鮮衝以斗牛氣去去如浮煙中道乃躑躅升  
階無夤緣傍揖農丈人白眉髮垂肩贈我司空粟引我  
大陵船曰爾且還舊爾言記諸牋爾毋惑人事天理終  
昭然紫宸受朝日登聞鼓高懸如有窮弗恤厥罪鈞蔽

賢如有言弗實墮地爲斥仙吾位雖不高尙非閒散員  
將爾言代奏得詔爲爾傳臨河惜此別重見在何年歸  
來告子孫橫抱酒星眠

和曉帆旅館書懷四首元韻

檢書燒燭僕頻更欲以閒情易宦情家業幸無三倍富  
時光又近一陽生誰經門下歌長鋏莫向牆間棄短檠  
今日但期吾舌在靜看季子散連橫

消寒不厭酒杯深對景還將粉本臨一片雨聲懸樹杪  
半規月影覲雲陰盆花破蕊香侵指爐火成灰冷到心



抽板未隨彭澤宰牀前空理七絃琴

風塵莽莽誤前遊去跡來蹤等一漚破屋何妨思廣廈  
虛船不願觸方舟事詢龜策都無驗書注蟲魚未肯休  
遲到今生多悔恨微才難與古人儔

心勞鹽事鬢毛蒼軒蓋追隨大道旁稅畝未能將地縮  
前擬墾荒各策未准行熬波何敢學川防野狐泉畔松添翠魏豹

城邊草轉黃欲訪段干嗟弗及  
安邑段村相傳爲段干木隱居之地寒雲

終古鎖山莊

靈石縣

怒石撐關虎露牙穿雲仄徑壁懸蛇水光山色渾難認  
一半白連蕎麥花

春莫東行卽事

花作重裯柳作棉懨懨已是困人天書沈遠塞歸鴻外  
春老平蕪叱犢邊州邑但能清獄訟關山無復阻烽煙  
羈縻自古非姑息衛霍功成亦偶然

出城東去繞坡陀回望條峯似隔河耕壤綺分秧獨少  
練軍綦布盜偏多聲銷桴鼓思京兆智悉山川有伏波  
尺短寸長皆合度人才如力不同科



西園杪秋

霜畦菜換青榆柳落零星補檻雀偷紙移牀鼠立屏耽  
吟將睡擱怯醉屢杯停貪看前山色雙扉未許扃

惜老篇

君不見景運門外朝日紅後先朝馬來自東一品二品  
年不同又不見隆宗門外肩輿中賢王寵異冠諸公四  
人過於馬追風入贊絲綸古樞密列柏蒼蒼擁

溫室五更初轉四更殘羣俊趨班紛橐筆銀燭高燒對  
屋明前輩徐行後輩疾紫泥封就喚材官後輩遲留前

輩出

聖主恩加近侍臣佳時賞賜叨多珍南海香橙甘似蜜  
福州大橘歲嘗新端午糴方懸肘印中秋餅比水晶輪  
全羊熟食忘羶味分得神饅先去聲立春春風秋月都容  
易薊北晉南猶一地總嫌此境非當年內外何曾介吾  
意內爲稷契穩致身外爲龔黃勤察吏建牙吹角並登  
壇遲速有無天位置十有二年違禁庭勞心則未祇勞  
形披衣忽欲登車去少坐爽然知夢醒門東門西路飽  
經惜往從之力不足雙鬢白矣無由青



董太師畫雀

圖名一家平安

天以歲寒養春意大小安危容自致  
翩翩簷雀亦隨陽何必強同鴻鵠志  
在昔蔗林董太師入世挾有神仙姿  
文工畫妙愜

宸賞聲噪翰林供奉時宣藤一幅筆呵凍百箇飛飛來  
補空深藏略如葉底鶯倒挂卻似桐間鳳一窠孳長成  
一家諧聲會意義不差平安兩字更難得宮槐臺柏枝  
交加長安市上巧相覓

此圖遊廐肆時以千錢得之去其破碎仍成長幅

移置

我家三丈壁歲歲年年事未諧此圖堪與破岑寂太平

宰相二十年朝野相安真晏然羣情環付公陶甄禽鳥  
多得氣之先道君鷹少保鶴身世飄零燕棲幕如此方  
向生處樂

讀宋史

患得又患失聖人譏鄙夫此章在下論學究曾讀無  
爪痕教后廢歲幣向遼來若不薦臣姪應多宰相才  
范鎮典陳郡崇封加濮王負君兼負友賢者有歐陽  
大言蔑天祖毒氣填阡陌不用呂惠卿無人怨安石  
右丞附潛善學士喜新除贖爾家聲去全憑一帛書



尊經講春秋論政明利害但惜獨秀松也薦巨奸檜  
早弛射潮弓何年返兩宮朝來張德遠暮失趙豐公  
仲友昨褫官羣小閔朝內荒政贊一言何曾識元晦

數年僅得江南吳平齋觀察雲題畫一詩舊遊寥

落益以自傷

浮雲孤月眼前過苦憶江南髮盡皤我是當年江海叔  
可憐次韻獨東坡

題萊山閣學集杜五言詩卷後寄此調之

臨風一讀一稱快坡老見之卻生怪

署齋供有東坡畫像眼前三

易宋河山忽然現出唐世界少陵又作劉文房五言不  
保長城長開爐爲爾半段槍五色之筆輸江郎

種牡丹

秋分初過雨絲絲灌水和泥事總宜要與後來添富貴  
工夫多在未花時

社日

三分春色未能公多半繁華付與風楊柳  
桃花褪白學塗紅愁如仄路偏相遇詩不長吟亦屢窮  
人語謔謔徒亂意何須社日酒治聾



舊種牡丹今夏始見兩花意似爲予解嘲者

十千換得數株來虛費薰風日日催惟有主人能解意  
名花元不肯多開

擬古

鄴侯具人鑑竇參乃利徒溫公攬人材蔡京乃鄙夫一  
失忠宣陸一失文忠蘇無怪房琯輩紛爲術者愚趙括  
將家子尙被秦將屠談兵進白面何異畫葫蘆漢傑如  
淮陰通稀曾喪軀知人帝其難請讀皋陶謨

咄咄復嗟嗟泄泄猶杳杳權輕啟奸邪言厯授裨闔統

知不足齋叢書卷三  
師以文臣違令仍發鴿好武非將軍徵調盡烏合力分  
心失同氣餒愁來雜疇曩百事隳迂緩埃酬答議賑多  
餓死防河轉沸渚兩門初芬華譬如朝露溘

佛說尙虛亡固違儒者理虛亡又反用愚智失模擬青  
紅噓蜃氣樓閣驚尺咫金珠耀道傍螫吻嗤苦李是猶  
有氣質今茲患踰此子野但廢目師曠不廢耳胡爲耳  
目間所遭無一是昂昂丈六身盍捨東流水

汝亦執兩端知執不知用汝亦握一權舉輕不舉重取  
之必姑與未禽但先縱非種弗殄除嘉禾曷能種息火



憑曲突治水在決壅中策幹上策徙戎論江統三萬六  
千日日乃萬幾綜袞袞臺省中艱難有誰共

玉石儼同質蘭艾本殊芳枳離橘亦活桃代李先僵物  
情具翻覆時事觀弛張惟其矜智慧素絲徐染黃惟其  
作淫巧繞指旋失鋼不令瓦釜鳴迺可聆宮商襟懷持  
定見因應作拘方察及淵魚者由來逢不祥

廢席不必捐疲馬不必棄久作主人翁殷殷念所自適  
體却煩溽代徒受鞍轡遠行屢伴裝昂顧猶抗志潤澤  
就乾枯衰朽縻秣飼昔知防盡歡新識艱求備懸餌魚

欲來補牢羊或至倘遺有老成何妨近取譬

皓月暫中懸白日歛西馳人生百年耳靳無損於時芳  
亦不必流臭亦何必遺子孫猶外物勿更覆翼之一毛  
固自惜有利奚不爲一木固自慚相須聊與支八表何  
茫茫安者端由危日月非我獨偷聞吾所師

驅鬼篇

有鬼判新故大小名以斯手錄無鬼論彼時非此時有  
鬼復有蜮含沙於水湄乃閱數百年邪怪多與之小者  
化爲大新者尤離奇百鬼攝以神惟神曠所司旣渺方



相氏又失堯鍾馗蛟龍罹其毒雷電蒙其欺

鬼從何處來來自東海隅畏明先滅燭弄文頻畫符耳  
聞亦夜哭轉眼又揶揄爾室極高明此輩偏嘯呼照以  
虛堂鏡射以董澤蒲黑雲立滄海碧血流青蕪飛廉昔  
遭戮其魂尙爲逋亟待周公相伐奄而重驅

水火篇

水益深火益熱水火無情成事不說

火益熱水益深水火未濟人何以任

抽刀斷水女弗能抱薪救火予其懲出民於水火其言

足以興

敘志詩

清明易陰雨深夜遞清曉天道但循常百年一辰了孳  
孳爲善利俗塵愈紛擾朝出而暮還人性不如鳥

富貴歸故鄉難絕軒冕榮儒素足菹飯樂可抵公卿萬  
靜甫之動焉能闌利名神仙何所累累在得長生

蜉蝣經日午泡影咄嗟間有生命在天斯語破憂患平  
地侈堆垛崇高不逮山城狐有分穴邱貉非一班


雞恃雞善唬犬恃犬善吠毛羽俱未豐順耳輒憐愛蚊



蚋至微者不憚施利喙移種弗聚殲何以別流輩  
日飲必資水遑辨貪與廉日食能有味奚詢鹹與鹽一  
筯不適口百肴空魚揅昔富今棄失大言何炎炎

行父相魯國有妾不衣帛諸葛厯兩朝有桑株八百公  
室如懸罄私家季氏益遐哉兩名臣身後無蓄積

人爲萬物靈首在矜體齒投机振疲懦鳴甲生愧恥世  
間豈竭才惟觀天所使清濁苟不淆六合銷塵滓





知白齋詩鈔卷四

婺源 江人鏡 蓉舫

古風

大祿甫已狼患紛起草萊不肯辟患豈自狼始此邑之  
狼尙未遁藏他邑之狼乃亦強梁吾語爾民兮先張爾  
弩再厲爾斧是狼而狼有法可取惟非狼而狼兮吾慮  
其毀爾門戶

狼患未息田有蝨賊種田只及半蟲又食其食二麥皆  
歉收縣官催領牛東家西家合一頭價抵兩頭猶未休

室中衣絮無可售或者秋來徼有秋以此愬縣官縣官  
不少寬牛欠要償兼納新糧賣兒貼女怨耶哭孃蟲乎  
蟲乎無此傷昔年餓死反乾淨何以其時長官活我命  
生日祀東坡畫像於典春書屋仿迎神送神之曲  
薦詩六章詩中多用先生語者亦以誌平生忻  
慕之私非敢故爲點竄也

勤向虛堂埽地靜看香篆浮空樹頭瞳瞳曉日耳邊肅  
肅清風

設像不求形似傳心猶有手書自來才大難用豈唯名



下無虛

文章早動蠻貊出處何殊樂天得有如此人物不知更  
幾百年

花獻碧桃紅杏果陳橘子荔枝先生何以教我  
有酒時  
一中之

生日誰貺松鶴毛羣常欺臥駝信眉一笑非易挂冠相  
約如何

巧語曾遭薏苡無言且食楊梅先生暫假龍去何時粲  
如鳳來

效義山體

晚鐘百八遞秋聲  
北斗高臨銀漢明  
桐葉雖彫孤幹直  
桂花不改宿根清  
賈生上策元無益  
殷浩貽書只自輕  
旣乏斧柯須放手  
濟時還賴漢公卿

倚枕聞雞徹夜分  
酒兵棊陣總紛紜  
王家儘日營三窟  
漢幟何人張一軍  
北雁頻來空叫月  
南山雖好不興雲  
豈無士雅中流楫  
投袂虛將筆硯焚

戔戔麟閣勢摩空  
今代誰標第一功  
天下足將加首上  
鼻端火已蘊胸中  
發言千百皆迂論  
奉使三年乃詐忠



羞煞棉花彈不怕葫蘆長柄問江東

蔓草離離秋露溥養成何易去何難橘踰淮水因遷地  
楓落吳江不耐寒畀地欲從童貫議改書未許鄭公看  
每逢八月聞虛嚇對此蟾圓強自寬

秋意

殘陽與敗葉高下委黃埃雁引雲南去山窺窗北來朋  
情易地見邊信隨人猜賸有故園菊相期還未開

漫成

災祲未多時居然麥兩歧天心自仁愛人事轉澆漓新

政諱由舊公田侵作私祇憐十州地重疊荷

恩施

厄運釀干戈難期將相和居心似盧杞遺矢沮廉頗錯  
鑄當年鐵狂翻大海波長安饒俊傑歲月亦蹉跎

畫棟走朱輪仙班得幾人芳蘭原竟體秋水不沾塵餘  
事工詞賦虛心訪隱淪由來誇國器還與數家珍

孰坐紫花墩臨機噤不言紙糊三閣老護法一沙門狗  
吠卑官趙烏程舊姓溫相逢有瓜葛細意問王孫

一雁下層巒蕭蕭湘水寒風吹松夢醒露滴草頭乾舊



卒成軍易長途饋餉難時艱猶未艾貢禹莫彈冠

筠管玉雕鏤香煙袖底收如耽千日酒聽徹五更籌據  
榻調雌兔闌門款豎牛青蚨真子母早晚入妝樓

消息付羣狐山君空負嵎雖通黃石術不敵黑心符齒  
落唯存舌眉攢殆切膚四方靡所騁聊復唱烏烏

舊德數江東衰齡歎轉蓬懸貍慚肉食磨蠍絆身宮得  
過期先訟憂時願屢豐蒼生無限意都在不言中

戲作餽螭歌

霜挾露飛雲覆壟稻田今歲有遺種忽聞公子郭索來

肆惡恍由人，慙慙金莖玉穗獻王前。轉從秋後多矜寵，  
如弦直道獨橫行。望蜀貪心因得隴，重重竹榼照燈紅。  
爭先不惜隨潮涌，月黑風淒歸路窮。駢束二螯猶桔橈，  
尖團豈爲食言肥。竊穀傷農渠作俑，沙泥淨拭入嬰旒。  
椒鹽佐減香糟重，幽齋邀客倒芳樽。魚肉雜似流官尤，  
吳中滋味亟相試。右手思倩吳姬捧，餘威竟驅瘡出門。  
時患瘡疾初愈棄穀徒勞螳穿冢，始知嗜酒病日深。雖有別腸  
亦無勇。

衛瓘



遙雖明慧命何如醉裏狂言欲易儲卻歎老奴家自破  
空勞女與國臣書

江統

晉室元無蓋世功偏安形勢寓江東在朝並少孔恂輩  
洗馬何須論徙戎

劉毅

職名中正法何存八損曾聞有讜言不許寒門登上品  
賣官錢又入私門

索靖

三吳張翰未歸時亂本先經識者知當日銅駝盡消滅  
率更駐馬獨觀碑

陸機

唳鶴亭前花草香建春門外益淒涼君家累世吳都督  
愧煞前鋒向洛陽

王衍

深夜排牆盡漢兵竟無一窟救餘生此人已足壞天下  
何況同懷有阿平

衛中丞

榮光

移節江蘇欲送未果



相賞越風塵不論時久暫說秦書上十仕魯黜至三奔  
馳悉名累祿食非利啗置淺惜杯膠合汙恥竽濫蔚然  
席上珍賤若厓下礪彼無國士遇莫釋平生憾顧茲貌  
不颺所願交以淡歲飢節藜藿室曠臥瓶甌心腹嬰蠱  
傷門庭來鬼瞰敢云我獨清遐緬朋盍攢衛公固嚴整  
素志在冲澹暮夜絕苞苴市野免租賧與善首由儉兼  
聽乃棄暗

九重命新遷三吳事往勘送行擬扳轅責重難弛擔懸  
知一鶴隨風定胥江纜

辛巳十一月十七日雪

清曉亦黃昏霏霏送到門  
舞風斜有態窺水淨無痕  
雁過經雲阻鴉棲被凍翻  
老梅空著色宿麥自盤根  
爭說來年熟休貪昨日暄  
尖叉吾不和應候

十六日小寒

識天恩

立春

書生只合戀衡茅壯歲虛將舊業拋  
駿買千金終有價鵬飛九萬並無巢  
才名到老饒先輩暖氣如期抵故交

十二月十六日

恰好一雙乾喜鵲遞來芳信在梅梢

除夕



蒼冥勒餘年匪獨我增感春如緩緩來歸轡不卽攬行  
人召无妄居者邁屯坎委蛇俟新知封蟄悲故閭只此  
一日留尙以百憂撼憫寒情固然審機悔不逮起與造  
物爭試問何人敢觀夫春夏秋臨去亦黯黹用舍憑愛  
憎氣色介舒慘賓廚具肴菽誰肯嗜昌歎隴首見梅花  
誰復吟菡萏凡茲玩物心積久入平澹赤松勇追尋五  
湖恣遊覽有冠戴鹿皮無肉供燕頤瞻我娛老資仍事  
彼鉛槧饒涎失甘蔗苦口回橄欖放開礙戶眉張大說  
鬼膽千秋懸明鑒佳惡何能揜歲功浩已成自視終一

飲臘酒與屠蘇識味皆醺醺

對雪歌

麥熟尙須四閱月春初忽得尺餘雪我官茲土十二年  
農家屢憂雪澤缺春夏不雨歲大祲州郡幾幾人跡絕  
九月十日雪滿田又以愆期傷禍結

丁丑年自三月至八月不雨九月初

十日大雪傷稼

前事酸辛不忍道悔無智巧補吾拙百萬儲錢

化蝶飛私囊無底如金穴東南一望草彌漫歲入官租  
半虛捏始爲粉飾繼脂韋清濁酷廉失區別縱令六出  
常應時民力民財嗟已竭維皇佑下總以仁不遽因人



施譴罰而人儻有一綫明亦可洗心休積蠶當此非無  
高臥者守令不知名字滅太行山裏路透迤鋒棱割落  
輪蹠鐵最憐負戴未贏糧十步扶行九步蹶黃河屹立  
千層冰欲改龍門成貝闕篙子榜師恆忍饑旅店淹留  
客不發帳中歌舞夜復夜入座春多嫌酒熱猩脣鹿尾  
鬪珍奇新菜堆盤饋時節自來厚恩何足恃願減歡娛  
憫遺子到地勿作白雪看點點片片皆膏血

罷藥

春光不與眾人爭俗累翻從一病輕藜杖專持驕使節

板牀穩睡戀鄉情  
滴殘月裏蟾蜍淚  
吠斷山前狗杞聲  
更遣巴童開竹屋  
緩移泉甕近茶鎗

檢圖

眾香國裏一身孤  
卻喜今春氣候殊

二月十八日清明

草色盡

歸青鏤管花光偏  
照白髭鬚不諳時  
務猶新進未了讒  
言當宿逋祇有勸  
耕心轉亟案頭頻  
檢六州圖

衙齋閒詠

花仰朱欄樹影懸  
風抽翠篠柳絲牽  
遲遲光景仍春日  
冉冉心情是老年  
疊架牙籤增藥譜  
臥階肺石長苔錢



深居莫道閒無事新舊農書手自編

清明

蘇子晚年思活計樂天老趣得禪機兩端相較吾何執  
一軌雖同今尙非旣未在山爲遠志更憐無母寄當歸  
松楸他日如重省桑柘陰時勿暫違

客裏清明能有幾爭禁一十九清明梨花白趁霏微雨  
麥穗青宜爛漫晴半世冬烘皆誤認數回春夢太傷情  
燕臺拜埽憑兒婦猶作商量返故塋

先室姚夫人屢於  
夢中以南歸爲囑

采蓮曲

泛舟去采蓮水隔蓮花前蓮花如有語不見已經年明  
朝借槳來一水銷爲煙

采菱曲

泛舟去采菱礙著打魚罾魚罾怕菱刺呼漁漁不應菱  
兮莫伶俐伶俐滋人憎

安肅道中阻雨

繞舍鴉聲惱客心馬蹏料畏碾渦深簾前未歇瀟瀟雨  
又見東南一角陰

晚泊淀津



四圍煙起天縮小蘆花高於紅樹杪片帆最惡西南風  
蘇家橋外淀津東有繩繫桅不繫日日光未盡月又出  
水鳥入水口捉魚雙翼拍水何自如計程尙欠二百里  
歸人側坐孤篷底

時眷口寄  
寓保陽

### 趙北口

舟行元不及車行也到燕南第二程三十年前橋上客  
重來猶是一書生

南北遊人總倚橋避人鷗鷺不相招敗荷謾怨西風急  
自有花時引畫橈

知不足齋詩集卷四  
二五十八  
繞岸人家障白沙水程亦慮有三又羨他野艇雙飛槳  
撥入蘆花又蓼花

晚次塘廟明日再行七十里至保陽矣拈筆記此  
十二年來馬足忙忽從趙北喚歸航湖花偎草讓輕槳  
野鳥浴波翻夕陽拙宦因人如寄寓好書伴我不還鄉  
今宵定有鐙前卜待買霜螯共酒嘗

泊李顧莊

客衣不敵野風涼斜挂篷窗放夕陽兩岸蓼花何自苦  
替他蘆荻染秋光



短柳陂前好繫舟西風儘力作

去聲

深秋鷺鷥不傍蘆花

宿爲恐相逢盡白頭

同友人至安慶予復之武昌

時在丙戌五月

同向皖江歸歸家願獨違山山隨舵轉燕燕貼波飛三  
晉何迢遞千秋有是非宦遊吾未息空歎故人稀

平政堂

河東武昌道廳事皆懸平政堂額重披  
鹽筴殆有夙因用前韻作二十八字

四載閒居舊藝荒

余寄寓保陽  
前後共四年

南來復爲一官忙薰風

不管黃梅雨

光緒己卯四月余卸晉藩署篆回河東道  
任丙戌五月奉部檄行抵武昌河東

有薰風亭蒲  
州有南薰樓

只管人來平政堂

題張丹叔廉訪

聯桂

荷薪圖

任重忖此身不問窮與達唯達而知窮衣錦等披褐吾  
友有平子器宇何軒豁嫉惡刈荆榛取材精鑒拔艱鉅  
曾獨承風塵皆蹙蹙譬彼樵夫樵食力贍生活豈矜擔  
荷宏素志不能奪俗士驟見之應引爲棒喝昔偕伯氏  
遊謂令兄曉蓮侍御義欲寶刀脫相隔二十年與君申契闊桂  
林路幾千君久官粵西今又賦言秣猿鳥認雙旌紅葉秋山  
鬢還期遣我書鴻響曳天末息肩如許同古道白雲撥

重有感



聽鼓應官尙未休煌煌都邑記前游

九重天上瞻隆準

道光己酉年九月十四日  
正大光明殿覆試新舉人

宣宗駕經殿東監試王公大臣

令鏡等在階前跪送

四十年來感白頭已隔蓬

山淪下界敢憑寸木置岑樓知交幾輩登臺省近事何

妨借箸籌

琳宮貝闕起崔嵬經畫羣誇大匠才膚論亦云財者末

首功終屬罪之魁倘知鑄鐵將成錯

時議開鐵路

曷不移金

請築臺朝市原非充隱地終南有徑接三台

萬里行舟不憚勞二矛四介任遊敖武官相率驅文史

名士爭言擁節旄  
妄逞舌鋒緣甚事  
仰承鼻息愧吾曹  
紛紛蛟蜃乘蛇豕  
莫待羊亡始補牢

丁亥元日

北望京華斗柄春  
早朝簪笏集同寅  
一升酒和五辛味

退班後向有公  
燕今改設茶點

六十年兼兩世人  
馬力已窮非敢後  
貂

裘雖敝未爲貧  
老天於我常加厚  
不遣南州作逐臣

元夜

堆盤綠切蘋婆脆  
斟酒黃剝柚子圓  
客裏不愁上元節  
都中猶憶道光年  
六街塵動花燈放  
雙闕雲開璧月懸



乙酉春初余以事入京元夜燈市  
寂然前門天橋一帶遊人絕少

自是昇平真景象吟

### 詩留與後人傳

端午後五日漢江大水居民猝罹水患顛沛不堪  
官欲疏消苦無良策可憫也

正平欲與子胥儔怒氣橫吞鸚鵡洲千里岷峨初化雪  
一天風雨莫登樓空餘灘水囊沙策難用東吳縱火謀  
從古才人皆稱意長江應改向西流

飢黎無數哭聲同舴艋居然市上通占候又逢騎月雨

每月二十四五日雨輒  
成潦患俗謂之騎月雨

過江還怕打頭風武昌柳黯魚

肥後漢口煙迷鳥度中夜半有人呼土偶君身未必勝  
飄蓬

題涇縣朱蘭坡宮贊

珩

遺照

少小親承祖訓時紫陽世德習聞之

先大父石生公曾爲宮贊題闡貞

集暨雪夜綳兒圖  
霜帷課讀畫幀

如今雪老安仁鬢始見先生海鶴姿

嘉慶道光全盛日宮贊聲名豈浪垂衡文屢操玉界尺  
入網饒有珊瑚枝壯歲退歸爲將母不以莼鱸攜孝思

籍僵湜走十餘輩

先生久主蘇州  
正誼書院講席

經師羣詘於人師吳

中馨慕若桐邑匪獨桑梓懷風規自從寇盜躡宣歙故



家舊族俱陵夷收藏愈富害愈烈甚至借書無一瓿斯  
圖胡爲尙完好得非神物相護持楚江白雲起涼颼令  
我披圖益漣洏先人箸述數百帙劫餘只賸白圭詩詩  
有先生三題辭

先大父白圭堂詩集  
中系先生題辭三首

噫嘻先生辭白

圭詩吾將同爲孫子貽爰就紙尾銘吾私

### 漢江早渡

霜曉楚天遙橫江水一條人聲先棹發炊影近山銷珠  
佩元虛幻英雄太寂寥紛紛冠蓋者安穩讓漁樵

### 聞雁

半空慘白日昏黃有客聞聲欲斷腸已到歲飢無可飽  
不關兵氣亦堪傷呼羣喚侶自先後觸恨添愁誰短長  
閱遍荆吳多瘴癘翻疑北鄉是隨陽

菊隕梅開各一時世間何事不如斯光陰消去無人覺  
險阻經來獨爾知縱少好音相悅耳卻從高處屢題辭  
青霄任有凌風翼四日逢春未算遲

時正月初  
四日立春

前詩成聞東臺三弟惡耗續此哭之

六十六春虛度了再來春豈勝於斯先人敝廬尙未復  
咸豐辛酉年舊居被賊火所燬至今未能興造

江漢一官難遽辭高閣空雲鶴



俱渺晴天仍雪雁先知老年弟兄猶間隔悔恨滿懷嗟  
已遲

少孤幸藉兩昆賢式好都過六十年弟今年六十有二歲詎意徐

揚成域外忍教伯仲哭春前夜臺莫歎歸無路擬囑諸姪卽扶

弟觀回發鄰邑曾經買有田石生公所遺開望切爾家還

故里書香尤許子孫傳次姪忠撰於冬間回籍應試已專力囑其奔赴東臺

渡江

纔報晨鐘遠寺撞便看飛雪上篷窗古書亂疊塵生架  
冬釀初成凍在缸治行曾聞吳第一將才誰謂信無雙

三更火炬歸衙後天色朦朧又渡江

東郊偶步

鵲噪鳩呼曉雨餘登隄散步謝舟輿嶺雲漠漠誤歸雁

江柳深深容遁魚異族處心皆狙

去聲

詐老年經事轉麤

疎而今欲雪虛聲恥勿向公門受薦書

題漢陽丁春畬先生負米讀書圖

讀書古今非一律能讀書者在蓬華負米百里古稱賢  
能負米者今亦然牽車服賈養父母後人胡乃慕升斗  
恥言學賈謬學儒貧也無以爲親娛縱遇良時踐華廡



幾見鼎食酬勤劬有米則負書則讀子能順親天所福  
漢陽山水信清奇天於先生生使獨賈以代耕匪欲贏  
帆檣側畔讀書聲問餘必有期養志身心不受市塵累  
文章聲價重成均兕酒斑衣奉二人養親事畢入京洛  
誰道霜飈隕雕鶚斧柯不假可柰何窮矣吾道古來多  
康成門有高弟子

圖爲史叔平太守補繪  
叔平先生之高弟也

補圖欲起先

生死傳家復得昔雙丁黌序琴堂播德馨至今江漢湯  
湯去猶想先生往來處太息髫年檢父書蓼莪泣掩恨

何如

鏡幼失  
怙恃

逢人有親輒生羨況聞純行喧鄉縣咳黍

三章補廣微會當續采此詩卷

江上行

晴川黃鶴兩巍然春樹春雲斷復連彼此爲誰作門戶  
往來何處接神仙終朝風送無情水向晚鐙張不夜天  
向時兩岸鐙火徹  
夜不息新年尤甚 繡賦崔詩猶在口英雄幾輩化嘯鵑

京口

正月初六日事

暮濤軒起大江東蛟窟橫飛一炬紅棊斂東山非屐折

金陵於初七早  
得報始悉其事

酒藏北海正樽空

子通觀察善飲  
好客時赴蘇州

民心

自古多從直軍令於今重獻功

時查緝首  
事人犯

果使雞蟲爭



得失亦憐汴澤有哀鴻

鎮屬飢民  
尙未遣散

### 新鶯曲

新舊巢鶯忙去就  
新鶯舊鶯巧相詬  
鶯新鶯舊不在鶯  
今日新鶯明日舊

### 春遊

觴簫吹出兩三枝  
江上東風二月時  
綠樹含煙濃過黛

白沙著雨瑩

去聲

如脂賈因懷璧鄉難越  
叔若多金嫂亦

疑莫怪目前甘腐鼠  
鵠雛本志未曾移

碧桃放到幾番花  
小憇山齋日欲斜  
興盡中年絲竹冷

心傷凶歲鬢毛華

前在署藩任內辦賑三年鬢髮皆白

漫牽楊柳思張緒

更斂鋒鋌避莫邪有客嗜痴先割席此身方保玉無瑕

十日剛分五日晴東方太守勸春耕

謂逢子政太守

雉登古堞

巢依鳳

漢陽郡城在鳳凰山下土人謂城依鳳翅而築年久傾圯子政督紳修之

虹臥長隄

浪息鯨

江隄一役亦子政董其成

爾我無慚從伯起升沈已定卻君

平

近有以奇門演禽之術噪名於江漢間者

種桑教績皆民事文牒臚陳似

爲名

有以諸事陳請於當路者

林茱原司馬

鍾嶸

囑題其仲兄仲員孝廉

鍾嶠

松

竹遺墨



畫松與畫竹所志不在畫前賢與後賢所畫不異派畢  
宏已凋喪老可又衰邁林子四明豪才名噪秋解氣肅  
而非寒心清而非隘臨池有餘力下筆風雨快胡好弄  
丹青亦招造物怪亭亭鸞鶴姿幡然謝塵界方曲遺墨  
痕未付吳姥賣叔也復英多比德則珪玠能誦常棣篇  
愛兄意弗懈雖一葉一柯猶一言一話勁直貫平生寶  
之勿摧壞我於畫未諳畫理無礙註傷心事或同展玩  
發長喙

余同堂昆季六  
人現存者三

孤山送月來清影和梅挂

夏日揚州雜詠

晉雲餐臥十三年漢上棲遲亦有緣獨到揚州無好夢  
風流輸與杜樊川

向道官身不得閒賓朋來集輒開顏廬陵亦擅佳山水

未必歐陽戀此山

平山堂

天表孤忠信是孤

乾隆間閣部諡忠正

賜史

白菅青莽黯城隅怕

教正氣全銷歇補種梅花一百株

史公祠墓俱形傾圮梅花嶺亦就荒蕪去

秋令周同守鴻釗履

勘修葺並種梅百株

堂舍千間缺半間那知夏日不生寒仲舒洗硯池何在

池爲前任

要起先生問舊官

運司公解

官填塞



飛蚊拂去又飛蠅不遇元規已足憎

蠅蚋之多勝於北省灰塵

暑氣

逼人逾酷吏有誰清比一條冰

揚州無鬻冰者

此一時非彼一時

兩淮運使以盧雅雨曾賓谷兩先生之名爲最著

箇中消息

自家知才名未敢齊王播更少紗籠壁上詩

題秦子惠大令

恩延

蒲團跌坐小像

我之外舅家於君爲至戚

鉅野姚氏寄居無錫

已亥髡十七入贅

吳興宅

姚出於吳興郡

親朋中識君同歲稱莫逆

君亦道光癸未生

登

堂拜母回慶問靡間隔何期逐名場我行先

去聲

京國塵

埃獨敝羸風雨自南北寅年初夏交春明君作客本非

百里才忽註中正籍驪駒不久停官路累飛舄匡廬高  
峩峩寄信仿雁帛歲星經一周無緣占再覲聞君棄官  
歸爲君長太息去年吳閶行艤舟錫山驛入城適遇君  
鬚眉各如戟江南苦兵燹世族慘非昔廣厦河上存

君家

無錫城北  
小河上

君門衍先澤清晨偕我出觸目發吟癖煙冒

龍山青水弄蓉湖碧二泉未及飲高閣置筵席

蒙餞於  
惠麓之

浙商  
公所

酒量殊少壯數盞面已赤挂帆指揚子淒咽離亭

笛江月幾虧圓相思阻潮汐冬郎涉江來佳帖訝新獲

令似健庭世講回揚蒙以舊仿三希堂寄暢園兩墨搨見貽並囑題尊照

披圖復見君不著



入聲

舊標格衣則布衲寬坐則蒲團窄講無涅槃經止無

寶誌錫文人逃於禪古今誠一脈如必就禪說是踐禪

之迹始知禪法空空不到泉石同時愛談禪才叔頗相

得

謂管更生

君之兄澹如

道光己酉年與澹如都轉同寓都門之興勝禪林

況更共

朝夕逝者安可追秋原露草白而我老馴至求友怛影

隻典筴傷吾神宦乃身之賊悟境君先造年鈞德不敵

家有擬陶詩開徑望三益

文通句

五十載交情借茲敘以

墨龍山蓉湖間合眼景厯厯春來重訪君君其蠟雙屐

三甥許從遊

雨田省卿月度三內姪皆君之甥也

亦足增氣力

古瓶

濾去沙泥現此身雅從圖史賦比鄰折梅插杏皆前夢  
刻翠雕瓊自後塵信以心虛常受益並緣膽大不愁貧  
當年仙吏殷勤贈道光甲辰春間姚子箴內兄以古膽瓶見贈云藏其家已百餘年矣又  
歷人間五十春

見物思人續成二十八字

昔人曾說器求新見器思人人已陳若問沙哥舊風度

瓶花照座炯無塵

子箴成道光戊戌進士以二甲第七名應朝考卷內字誤用知縣

前夏偶檢行篋不見手鈔唐人詩二本疑下揚州



時倉卒失去昨奴子忽於敗簾中尋出疊在案  
頭亡書久似憶良朋良朋復來其樂奚似因以  
五十六字誌之

唐詩二卷未親檢誤在臨行倉卒間似向武昌隨鶴去  
忽聞合浦報珠還由來學杜須知律何事居官不得閒  
猶憶夜吟溪上屋窺窗長訝月沈山

揚州

東南繁會此權輿吳苑錢塘兩不如羅綺笙歌銷歲月  
湖山花草潤圖書須知隋廣真行樂卻笑高駢最喫虛

今日人情勝楊柳未秋時節已蕭疎

大江橫截好山河處處園亭挂薜蘿千里築隄嫌地少  
四時占氣覺秋多只宜過客爭投轄誰遣行商悔逝波  
太尉三攜鹽鐵印不知換得幾漁簑

讀杜詩

學杜得皮人所嗤何者爲骨何爲皮得皮者學淺耳  
詎謂皮骨茫不知昌黎一生最倔强摹繪李杜非諛辭  
青蓮浣花固同志李語仙怪多玩時中晚文人百餘輩  
義山尙能識其微按以律法雖遜杜曾振骨力成韓碑



微之譽杜材絕倫殆如盲者佯觀棊舍杜姑就元白論  
白俗終勝元體卑語言根心安可欺品愈峻者詩愈奇  
出處覲然分兩截休將忠愛二字深責之嗚呼詩人如  
杜洵吾師不背君不負友不薄兄弟妻子於亂離宋玉  
之儒雅庾信之詩賦對此未必無瑕疵後之學杜者學  
其人匪僅學其詩韓李渺矣知者稀宋有蘇黃其庶幾

### 看花

從古貴來方悟稀幾人安穩到黃扉

已酉舉貢繡譯同年生千餘人作相

者近惟額小山徐  
蔭軒麟芝盒三公

曾將芍藥三年看紅紫都無金帶圍

絕妙瓊花化作塵楊花飄後李花新恐教樓在猶生恨  
一炬何須怨楚人

瓊花觀後樓爲揚州城中第一高處  
今春燬於火聞爲住持道士所誤

繞城七里水潨洄行近平山撥棹回記得去年秋夜泊  
露筋祠外白蓮開

去年奉督檄查驗隄工  
夜泊於露筋祠口外

### 平山堂

桐杉新翠接松槐不辨前臺與後臺七百年中常讌客  
諸山何弗過江來

### 法海寺

塔勢高承日影圓綠楊枝外盡流泉解饒太守頻經此



聞寺中設筵煨豬頭甚美殆  
東坡所謂火候足時者耶

坡老虛叅玉版禪

長春嶺

卽湖上草堂

金錢千萬買成山贏得遊人帶笑看祇惜大江流日夜  
不來此地作波瀾

康山

對山遺址劇蕭條翻覺名輸廿四橋當日琵琶聲斷絕  
玉人只會教吹簫

文選樓

東陽八詠早沈湮誰料斯樓亦劫塵文選一編終不廢

並教李善作傳人

茱萸灣

卽灣頭

說起茱萸動客愁茱萸多處是灣頭人生幾箇茱萸會  
不插茱萸三十秋

同治甲子年九月余以服闋挈眷入都不見家園已二十九年矣

捕蝗行

天心滿仁愛不願時有災人心務機變不期災又來去  
年夏月旱蝗蝻累成堆

蝗患起於辛卯五月

東道各有主牒報齎

上台殄滅種無移信非然死灰倉廩今尙登明更豐嘉  
稂家無飯一籬新舊租并催天高聽自卑所聽唯告哀



冬雪僅寸許微蟲皆戶坏飲蜡未及觀寒雲送輕雷郊  
原缺春澤溝塍饒草萊五六月不雨熱甚謂之煥飛蝗  
蔽晴空驅去卻復回始生若蠅蚋少則揚黃埃初猶阬  
谷填繼乃渡江隈

江甯鎮江常州亦有蝗患

禾黍悉殘嚙見之心爲

摧豈無約章在茫未知所裁巡行遣丞掾急檄走輿僮  
厚給水衡錢遑問才不才黠者鼠竊糧愚者雉投罍文  
飾希意旨有力還挽推今日功之首異日罪之魁凡物  
具知覺傾者何非栽蝗蝻譬荆棘遺子其根芟升斗化  
萬億速於一月胚落水充鰕鰕毒於三足能制虎先得

子斯言至理該捕蝗雖云多苟安奚益哉況今患貧寡  
中外無餘財東漕苦如焚西晉嗟有雍赤地徑隴右黃  
瀾繞燕臺歲歲籌振撫弊端仕途開顧我典宰益調元  
望鹽梅旬宣邦之幹何敢相攀陪江南繁要區選擇當  
異材骨角果切磋豈必需瓊瑰所願牛羊牧亟將民氣  
培拙論千百言不直水一杯思以善來年仰天復徘徊  
不密亦不疎天網終恢恢

今日

今日恩恩明日催不雲不雨亦驚雷耳聞豈乏安人略



膽戰知非辦賊才天上星辰恆北向漢家仙佛悉西來  
若從史傳論成敗事事姑容是禍胎

今日事同前日看自新當學浴銘盤救時大本中兼外  
遺愛平生猛濟寬橫海將軍空好武過江名士但偷安  
後先蹤迹如輪轉創或欺人守則難

今日無貽後日羞許多牖戶待綢繆雨耕綠野鱗爲隰  
風定洪濤蜃不樓長見五雲籠石馬莫開千嶂輓金牛  
得閒且覓西堂坐蟋蟀聲中一味秋

秋日雜言

三  
三〇廿八  
白日西斜大江東去白日之光旦復迴大江之水歸何  
處云是入海騰作波日光與之相盪摩波間百怪畏見  
日秋來波上西風多西風不抵北風力時無西風波自  
息聞道大江水活有源頭舍而去者皆浮漚莫問清流  
與濁流

早得遲得皆有命五十以前才氣盛古人精力倍今人  
行年五十服官政中間不過二十年年及七十老而傳  
後賢聞風思繼起前者退歸娛暮齒子文不識子玉驕  
楚國之憂晉侯喜粥粥無能一个臣平時不必異於人



諛諛如八九十者趙武智非范韓下齊衛魯宋誰敗盟  
士執志父常構兵敗壞風氣開縱橫始知謀算出閱歷  
古往今來資老成

結繩而治風渺矣遠蠻貊近州里百行皆以識字始在  
漢如孔張在唐如劉柳問以剛正節義進退廉恥字果  
能識之無愧否就中更有莽大夫藉識奇字稱通儒縱  
詡人載酒終歸鬼畫符天開於一地合十倉頡制字神  
鬼泣龜魚龍鳥科斗形何一不供人講習同文之世行  
同倫行既不同休論文徒質曾譏犬羊韓有文安得梟

驚分點點畫畫何紛紛字其字者匪但吾未見亦爲古  
未聞又何識字之足云

漢皇雄才在開邊深恥秦政居其前征西首罷和親議  
乃祖還應愧後賢晚悔輪臺雖獨斷一世陰貽百世患  
雲邊卻少水中龍塞外常驚上林雁李唐祇肯築三城  
銀夏頻來擾宋兵六百年中無善策金縉子女皆虛擲  
自從中國有聖人水讐陸慄咸稱臣天馬不矜樂府舞  
旅葵並絕遠方珍暴風雷雨相嘗試臨以星雲銷孛彗  
夜郎何曾見九重朝狙只合爭三四道謀塗說何離奇



鞭石未已山復移誰將錯鑄六州鐵遂謂雄當十萬師  
波濤遠涉仗忠信人亦有言防啟釁臨歧莫歎羊易忘  
殿後須知馬不進民心長在蕩平中不與尋常道路同  
二十餘年遡陳迹今日視之猶大功君不見歌風臺瓦  
石久沒成汙萊君不見麒麟閣丹青無緣圖衛霍悲哉  
秋氣滿江都白髮空憐董仲舒狗監縱能薦司馬洗硯  
池頭勤著書

侯王將相不余畀學仙學佛盍言志佛家酒禁太森嚴  
不及仙人長買醉面壁功夫垂十年邯鄲一夢便成仙

若教仙佛相質問亦謂我事能隨緣朝騎白鹿去尋藥  
蓬萊頂上足樓閣五芝髓和八桂漿浮邱洪崖共春酌  
鍊神鍊氣非鍊形昇過三天免誦經丹鑪早停文武火  
羞煞松根乞茯苓黃鵠磯頭看雲起因風飛度洞庭水  
良夜有酒招吟朋三閩長沙俱未死西望中條山月明  
入山不謁蝙蝠精相逢曼倩儼先進請見司空猶後生  
梁唐等輩何喧闐今日希夷纔半覺禿尾老驢跛且顛  
呼僮牽出山南豹

河漫歌



我聞黃河來自天天胡爲乎貽患數千年昔日患至人  
播遷今日患至人墜淵問天天以爲不然天謂於水無  
與焉俯而問諸地地曰人所致地有土以居萬民地有  
海以奠九垓天固無所與地豈爲不仁天地一氣所彌  
綸維其間者存乎人水由天而生水由地而行其生有  
所養其行無所爭惟人日與水爭地使之湮鬱壅遏不  
得歸滄瀛臺榭陂池左縱右橫林麓川澤取多用宏水  
濱苟見一壤塊非侵非奪卽犁耕江淮漢水悉如此匪  
僅河患不能平抑河非患人爲患大隄峨峨插天半井

底蛙居相習慣精怪覬覦河伯歎莫恃芻茭積河岸  
賊浪怒濤城可灌晝號夜哭人鬼亂河不言決只言漫走  
章馳檄援舊案因之利攫馬蹏金因之名博羊頭爛天  
地不暇爲滿除大抵人心無忌憚淀東濟南兩相較南  
則八年尠成效其中殆有巫媼流惜哉不遇西門豹吾  
願當事推尋天地心鑒古莫如先鑒今禾未殖何所食  
棉未收何所織死者爲魚爲鼃不復迴生者爲鴻爲雁  
眞可哀秋欲往冬又來往不可諫來可追風發發兮雪  
皚皚災區尤防災後災嗚呼南一河北一河力復故道



將如何飾非以階厲漢有瓠子歌我歌不與之同科  
皇天后土其勿訶

初夏

夢醒東窗紙白時每臨日午覺神疲鼠姑破蕾幕低護  
燕子忘泥簾半垂滌爾苦心唯有酒防人後著便能基  
今年何計消長夏預檢韓文與杜詩

年歉年豐驗此春坐披鹽筴當閒人升沈莫向他生卜  
憂樂終關見在身不假文章質燕許好從詞曲覓蘇辛  
太倉稊米形猶鉅直是晴空一點塵

送歐陽潤生觀察

霖

歸彭澤

昔年晉豫同揀荒賢聞河內有歐陽山川間阻不得見  
思彼美兮天一方江南本是吾故鄉誰實使之遊武昌  
中間徙篆德漢黃水災勢抵旱災烈低徊往事增感傷  
滔滔江漢日湯湯扁舟東下揚州揚一官算是海國商  
白門衣冠薈萃場節署列坐成雁行巍然身披豸繡章  
其人其氣吳干將識之不待雷與張廿載心慕一朝償  
念君治劇稱循良宦跡所歷窮豫畺維嵩作鎮居中央  
黃河沙泥難斗量以靜制動羣動息以大納小羣小藏



或因窈深慮幽險或目浩蕩爲驕狂輕譽輕毀奚足較  
觀山觀水情俱忘江湖相接白茫茫臨江餞別請盡觴  
荻花楓葉添秋光君其借此夸歸裝世路於今賢不妨  
君歸卽出毋徜徉彭澤豈必終柴桑

和文小坡員外

焯

張子苾庶常

祥齡

適平山堂詠

朝鮮兵事用少陵登高韻詩兼柬小坡子苾及

同遊之郭子澗觀察

慶藩

歐陽伯元太守

述

海外蟲沙情可哀江邊魚雁信初回只期天意隨心轉  
誰料秋飈接耳來大將幾人如僕射

今年南解詩題爲  
大將龍旗掣海雲

中原自古有釣臺放懷且作登高賦此會還邀長命杯

約子苾明春  
由揚州北上

和小坡子苾重遊平山堂用樊川九日登高韻詩

林皋又見葉爭飛湖上晴多水氣微旣假茱萸將徧插  
命兒子忠振等隨同小坡子苾伯元諸公重遊平山漫  
堂至湖上草堂茗酌晚飲於衙齋座中多年世兄弟  
言遠志欲先歸子苾擬  
卽歸蜀他年物物齊今日此地山山駐  
夕暉官舍雖清藏有酒持杯不待典春衣

小坡和歐陽文忠公平山堂詩子澣伯元俱依韻

答之並索余作



看到黃花秋欲闌繞城岡阜費躋攀風興漢晉隋唐後

地在江湖淮海間人事有時爭剝復時中倭交兵官身何日

得清閒唱吟合屬能文手子苾小坡子澣伯元立齋諸君子連日游湖陟山和少陵

樊川登高諸作各抒胸臆旂鼓相當殆歐陽公所謂能文章者笑口齊開逞醉顏

次韻郭子澣觀察五十初度感賦二首

駒光迅似電光馳七十還思五十時予今年七十有二自恨未

能將過寡遂教所欲與心離白門幸獲相知雅壬辰春間始識

君於金陵節署黃絹同研絕妙詞時與君評騭宋元各家詞家學超超軼匡

鼎說詩何止解人頤

回首湘南日暮雲

咸豐甲寅乙卯年間余識令伯筠仙中丞於京邑往來幾無間時壬戌以

後僅於羊城一見

卅年南北阻塵紛拾遺開帙懷常侍子敬臨

池溯右軍

尊甫意城先生文章行誼海內宗仰君學有本原無慚明德之後

勿爲悲秋

傷逸氣偶逢飲客見微醺

君性不喜飲卽讌會亦只進酒一二杯

奉觴更

喜男兒好

令似穀貽世兄早捷賢書人稱驥子

倜儻風流信有文



知白齋詩鈔卷五

婺源 江人鏡 蓉舫

寓言

小事務嚴刻大事從糊塗世情何詖僻氣運與之俱黃  
金雖貴重日用不亟需玉卮類成漏獺髓能補無千萬  
委泥沙百萬勞轉輸五六精計覈痛毒猶剝膚將篋刮  
其目重灌以醍醐庶或憬然悟不爲市井愚土靜萬卉  
滋海寬百流趨君看白雲外尖削是浮圖

新年

八方俱說賞新年過隙駒光亦偶然燕語鶯聲猶獻媚  
花心草意各思遷生材未必皆因地得勢何嘗不倚天  
除却春秋風雨夜月光能有幾同圓

古今不易此人情斷髮雕題感氣生朝與狙三期用詐  
月攘雞一待從輕樓船有力追楊僕巴蜀無文諭馬卿  
訓練十年時已過又逢歲首頌升平

禾黍當年悲故宮分封偏介大瀛東久欽正朔來元日  
雅解聲詩滌土風瘕狗吠聲流血赤狂鯨轉眼射波紅  
王城未擣機先失兵法還思李衛公



夏不兼夷爲變夷孰綱維是孰扶持傳方每靳壺中藥  
芘本須芟節外枝三載吹竽慙素食

曾監督江漢關兼  
辦通商事宜者三

年

四朝擊壤樂清時果教歲月常如此耄耄餘閒好

課詩

### 感諷

南北數千里水陸生悲風先秋遡由外未寒常慄中無  
路送歸燕有聲哀斷鴻斷鴻不爲多千萬易沙蟲御冬  
豈窮拙遯情莫通樹植二十年飛埽一朝空責地地  
遭利問天天錮聰旣未臧其始還望圖其終

河山若論

平聲

價寸地踰寸金非族心必異往哲垂明箴

不期冠裳列而亦夷狄心教獠與誨盜計時匪自今瘡  
痛寢骨折涓滴成水深王霸由一轍外攘紆內侵有土  
不徵賦有海不來琛矯矯無虎臣何以革鴟音

名竊天下重年越古來稀積垢藉常刮浮光傷易晞富  
貴若神鼎胡於鼎免譏不炊能自沸其勢何巍巍平昔  
戒滿盈求是泯今非譬如藜藿苦誰剗食肉肥營生無  
所缺至死將安歸人禽皆有心存去在幾希

題卞竹辰中丞南樓對山圖遺冊



城樓何處無南樓南樓何獨名千秋武昌明月南徐雪  
圖中題其時只以供眺遊讀書來在樓上頭古人曾有句

此志不江風湖雨入牙頰浮玉之山山對浮瀾東瀾西  
寓區畫物象都憑雙管收何期寇氛徧江陬城墮樓圯  
潮逆流舊澤若隨流水去片羽吉光那可求此中護持  
仗誰力萬雉依昔翔邗溝忠孝傳家自東晉失而復得  
神爲酬召埭故居劇清幽  
中丞未達時志在讀書庭有石榴一樹太夫人爲祝花  
神冬月榴庭前一株紅石榴華華實實無時休斯圖何  
花盛開必非詒謀廣陵圖志增雕鏐

南樓對山圖卷子內有詠其事而僅系以五言者  
意境未盡擬以繼之

綠楊城外城城下一河橫亦有南樓月暮潮相與生江  
風吹不斷如帶讀書聲余莫昔賢觀登臨空復情

李藝淵觀察

維翰

屬題慕萊堂詩文徵存

行年七十著綵衣若父若母當期頤老萊子後還數誰  
嗟我慕萊無由慕八齡未滿稱孤兒但遇父母俱存者  
心極忻慕旋自悲矧如吾友藝淵子養親猶及強仕時  
臨江湘江遠相隔遙望白雲迺築茲世間不乏富與貴



富貴豈必真性漓亦有名聲耀當路亦有綸誥光門楣  
此樂究非人盡得此福或爲天所私藝淵於此雖得半  
視我相去奚倍蕤黔中戰陣勤汗馬江上蒞民騰口碑  
慕萊以心不以迹何啻終身能慕之或云萊埵老子傳  
孝也尤與神仙宜蒙山釋蒙山者其地不一山勢何透迤斯堂  
於山爲始基山得斯堂山不移質諸老萊無媿詞





知白齋詩草附存

婺源 江人鏡 蓉舫

橋南聯句

李若農編修 文田 將歸粵東孫松坪侍讀 如僅溫

晴舫比部 忠善 孫萊山編修 毓汶 及其姪駕航

給諫 楫 仝集余寓之漢五瑞堂爲之餞別卽席

聯句

五瑞稽東漢 田 茲堂協地靈蓬山來舊雨 汶 珠海下文

星津泛帆初挂 鏡 秋風櫂不停拍天驚駭浪 僅 鼓舶迅

飛霆片席通南極

善

奇觀壯北溟蜃蒸雲氣赤

楫

鮫歎

霧光青波涌燄成素

田

峰高建若瓴魚龍爭叫嘯

汶

樓

閣矗昏冥訪勝訶林僻

鏡

尋幽渤澥經壯懷凌浩淼

僅

離思滿郊垞憶昨看花約

善

同將妙曲聆綺筵開玳瑁

楫

雜珮戛瓏玲欸欸邀紅友

田

深深勸綠醺濃情偷換

怕

汶

倦態悄偎屏綽約櫻桃字

鏡

便娟豆蔻齡背人私

語膩

僅

襲我口脂馨盛會綿朝夕

善

詩魂半醉醒君才

如太白

楫

我輩豈劉伶近事悲蒼髯

田

寒芒貫紫廷烽

烟三輔逼

汶

戰血十年腥捷每孫歆報

鏡

功誰竇憲銘



充金溷刀布僅輓粟乏輜輶身世方多感善驪駒不忍

聽擘衣涼露濕楫射覆夜燈熒鉢擊神俱王田壺傾涕

欲零繁霜促銀箭汶冷月透疎櫺客至爭投轄鏡揮毫

儼發硯古歡結金石僅雋解闢畦町書匯冰斯體善文

登屈賈庭分牋矜鬪角楫倒屣互忘形莊舄懷荆奏田

陶朱泛越舲搏沙傷聚散汶判袂惜伶仃遠夢桃榔樹

鏡深情杜若汀寒鴉催急景僅衰柳黯長亭莫漫懷衡

泌善於今產莢冀求賢宣室切楫未敢滯歸軫田

同溫味秋孝廉忠翰葉仲方刑部守矩梁穉香舍

人承光

詠形體詩分得面鬚眉鼻耳手足形聲

鬼相佩金章休云少不颺憑將櫟子大膽落郭汾陽  
黃欺鄴下曹頰上綴三毫丁大勤相拂何妨磔蜎毛  
酒後惹邊愁階前對楚囚青蓮未吐氣枉識韓荊州  
透出額間黃旋因代斲傷曉來風更惡艷塞不聞香  
懣懣到如今前言不復尋莫嫌荀躒掩公自有童心  
搦管悶難聊才名讓射雕指無陶侃血不必用鍼挑  
布衾甘屈伸自立不依人卻笑節堂上新來長腳秦  
皮相誤中郎傳神孰擅場若徒認長鬣容易失鯨鯢



鴉噪不堪聽南蠻舌獨靈雕籠有鸚鵡正好念心經

嶺南酬唱集

子聽濬益

將旋安慶赴建平軍幕余亦將歸婺源

子箴濬頤

餞於韶陽官解卽席感懷聯句

同作嶺南人頤

歡遊慰離索握手得惠連鏡

持家藉公

綽有客江外來益

昔年聚京洛生花筆一枝頤

起草簡

三削班清夾道槐鏡

句艷翻階藥樞府耀聲華益

柏臺

期簪謬公餘微逐累頤

宦巧儒風薄合志證苔岑鏡

拳

芳聯棣萼秋飈屢鍛翻益

春雨促行腳

頤以庚申閏三月出都之南韶

任  
驚於轅下駒頤 翩若雲間鶴擁斧拂霜棱鏡 編船鎖

星鑰萬里雁同行益 十年萍再泊頤 曾於辛亥歲遊粵蠻荒久不

治頤 艱鉅誠無忤運璧投樗蒲鏡 儲粟辨稗繫銘刊義

豹碑益 夜警重門柝毗連江楚界頤 怵惕氛祲惡出鎮

慎邊防鏡 按部懲賊虐賤子子還鄉益 壬戌春益 山公從軍皖上

招入幕池塘繫夢頻頤 燕皖相思各令伯媿陳情鏡 辛酉

冬鏡奉 諱旋里 食其匪落魄迢遞度梅關益 侵尋到蓉萼小集

未浹旬頤 忘形喜猶昨珠浦颺遠颿鏡 至韶鐘山即赴廣州

躡歸屨益 以去冬由江西同韶州同往 歲晚息駢駢益 家吉徵噶噶雅



奏迭塤篴

頤

旅況羞囊橐何意花下逢

鏡

宛赴海上約

益正月至廣州始悟容方

啁哳聽木魚

益

遊冶迅青雀爲問穀埠舟

頤

不減杉皮閣名字寫嬌嬈

鏡

姿首仿娉嫻眾美信如

茶

益

顛狂真似瘡是邦困轉輸

頤

大賈恣揮霍自顧塵

轍勞

鏡

肯戀客行樂趣裝伴陸賈

益

學道慕游酢

聞子聽赴

廣州謁筠

仙中丞

愆期殷我盼

頤

嘉會踐君諾三峽徙晦冥

鏡

百川爭波瀾

胥江大水阻舟唱和

逞威屏翳强

益

失勢羲和弱還

愁鷁退飛

頤

幾等鴻避繳詩腹撐槎枒

鏡

酒膽厲鋒鏑

馳騁兩雄並

益

奧窔五丁鑿高詞吹喁于

頤

短調僂戲

謔山靈笑而哈

鏡

波濤靜不作走舸疾若鳧

益

巡簷噪

聞鵲三人忽解后

頤

一石互斟酌觴政觚不觚

鏡

饒口

嚼復嚼香茱糝魚殮

益

冬茱糝鴨臠覲見菇簇釘

頤

雷

殷筍卸籜蔗汁齧餕飧

鏡

蓮葉印樽飪具胸末涑醫

益

曰鯉鮪鱸鰠鰕鮓間鶉羹

頤

羊胛偕豚膊左右物其時

鏡

流連飢可療勿謂酣膏粱

益

而不念溝壑黔黎日墊

隘

頤

吏事重紕錯祇乞昏夜憐

鏡

坐視白晝攫道路奮

耒耜

益

吠畝廢犁鏹太息桂林郡

頤

訛言紛閃爍貽患

在養癰

鏡

玩寇乃致蠹遷延衡山國

益

盲瞶任剽掠嬰



城拒貙貍

頤

開網縱鯨鰐滾滾下沉湘

鏡

洶洶陷郢都

茫茫九派渾

益

黯黯雙孤峯天塹遽捐棄

頤

名都疊焚

灼饑驅卒盡羸

鏡

貪噬狂過促債軍多屈瑕

益

黷貨半

荀躒孫叔旆南旋

頤

欒廐馬東郤

廊廟獨憂勤

鏡

公

卿徒錯愕烏合起兗豫

益

鴟張橫頰毫征滇未服蠻

頤

檄蜀難通竿骨積秦隴枯

鏡

血漬涇渭涸彼蒼詎不仁

益

此輩辜所託惜哉麒麟楨

頤

那異犬羊羈豈無忠義

士

鏡

抗節古賢若正色掩鉤陳

益

妖芒搖格澤天奪周

公瑾

頤

帝憫王君奭死綏繼張許

鏡

力戰失論郝流離

瑣尾悲

益

荒涼觸目還億兆痛如傷

頤

九重亟求瘼

中興賴楚材

鏡

吾相運偉略移孝性情肫

益

匡時經濟

拓粉榆首捍衛

頤

荆棘次芟斫遂令韋布儔

鏡

歛然羆

虎躍參佐李與馮

益

指揮褒與鄂水列千艨艟

頤

營屯

萬騶駱援賊斷蘭陵

鏡

奇兵踰竹格敢恃石城堅

益

立

見反虜縛元功晉國裴

頤

上將汾陽郭吳越覘底定

鏡

宇宙待清廓望眼靖烽烟

益

關心勸耕穫勉循鳩扈司

頤

恥學鷹鷂博世俗尙脂韋

鏡

官民尤隔膜侏儒量斗

筭

益

傀儡戲陸簿木朽梓人彫

頤

垣破圻者堊頑石抵



瓊琚鏡鉛刀溷干鎔俯桔仰挈棹益衷絮外施襍攘利

蠅逐羶頤偷光蛾赴燭雞鶩儕鳳凰鏡麋鹿友狙獾營

營三窟兔益昧昧一邱貉底用肆訕譟頤只合付喤噤

且藝博山鑪鏡更挹舒州杓烹茗泉汲玉益碾杏盃傾

酪桂小金粟綻頤藤古紫霞絡山茶紅射軒鏡亭竹綠

侵箔讀畫意安閒益敲棋聲膈膊小楷界烏絲頤大篆

摹碧落雨過石眠琴鏡風暝榻鋪蕝脫幘長歎詠益解

衣共磅礴清明倏已逢頤離思今又迤東西感鰈鰒鏡

扶搖羨雕鶚非惟冠六曹益終當扈五柞我詫隋有珠

頤 誰謂粵無罇伯仲皆梗枏鏡誦讀僅糟粕春深畫角

催益天遠瑀弓彊初程欣發軔頤累功許儋爵臨歧慨

以慷鏡錄別歌或喟瘀絮强韻鐫益壇坫先鞭著不顧

韓孟嗤頤要使侯劉懼語厖螭雜螻鏡才捷樞交樽盞

塗慌氏凍益灌辟歐冶鑠無端苦推敲頤相與困齷齪

腸曲縈九迴鏡蹄涔限一勺聚散本浮雲益昂頭視虛

郭頤

詠海參限海字韻聯句

凡物俱備形頤此物胡獨改齧石體蜿蜒鏡漾波勢赧



尅背負刺若芒

益

竅伏皮生瘡肖蚓略修橢

頤

如蛆更

紛猥比目目失珠

鏡

侈口口欠頰中貫括沙囊

益

圓裹

釘鐵鎧南越號爲烏

頤粵中以大

北人糜作醢

京師有

價重淡水洋

鏡

族聚大明海分蜜豈其然

益參分頭

名

葭將毋乃灰漬巨君鰕

頤

繩串石家珮無甲也去乙

鏡

旺子兼榮亥

參色黑滋補腎水

蝴蝶疑余具

益切爲蝴蝶形作羹

鴛鴦

勿余給

江南以魚肉黏參作圓呼曰鴛鴦海參

爛蒸匹秋壺

頤

縷切雜春

簋載脯佐以腴

鏡

薑桂性皆晚柔滑不任匙

益

黧黑難

受采全憑假借來

頤

豈有滋味在混沌污鹽梅

鏡

浮沉



JUN 17 2001

EAST ASIAN STUDIES

列鼎鼐曰薨罕用蠡益維錯或充賄魚鯨勝二籌頤江

珣珍幾倍嗟汝太彭亨鏡所慮終脰鯨人云我亦云益

收拾付膳宰頤







\$3500